

INTERNACIA KAMPANJO POR SOLIDARECO KUN BLINDULOJ

ESPERANTISTOJ ESPERIGAS ESPERANTOJN

Agado E3 naskighis en 1966. Ĝin iniciatis s-ano **Jacques Tuinder** (+ 18.6.2011) rezulte de informado flanke de nederlanda Fondaĵo Prof.D-ro H.J.M.WEVE, kies tiutempa celo estis adoptigi operacieblajn blindulojn en Orienta Afriko. En novembro 1966 li alvokis la esperantistaron kunlabori por „esperigi esperantojn”. Kaj post tio la simbolo E3 farighis vaste komprenata kaj konata.

E.... estas esperantisto, uzanto de la lingvo de **D-ro L.L. Zamenhof**

E.... estas esperigi

E estas blinda au okulmalsana kunfrat(in)o, homo ne vidanta sed esperanta (re)akiri vidpovon.

Agado E3 celas montri efektivan solidarecon kun homoj blindaj kaj malforte vidantaj laŭ la spirito kaj ekzemplo de la okulkuracisto **D-ro L.L. ZAMENHOF**.

Agado E3 forte batalas kontraŭ fenomeno absurda: milionoj da homoj vivas inter ni, kiuj estas senbezone, nenecese, eviteble vidhandikapitaj. Ni povus al ili (re)doni vidkapablon, se ni vidus ilin kaj ilian sorton.

Aktie ZIENDEROGEN (internacilingve Agado EVIDENTE)

Aktivinte dum preskaŭ tridek unu jaroj kiel privata persono, kiu chion faris proprakoste en sia libera tempo, finfine - la 30-an de septembro 1996 - Aktie ZIENDEROGEN fariĝis oficiala kaj notarie registrita fondaĵo. Feliĉe ankaŭ la nova nomo instigu esperantistojn kunagadi,ĉar ĝi entenas denove la 3 literojn **E: E-vid-E-nt-E!**

(Naŭ el dek helpantoj de Jacques TUNIDER parolis aŭ almenaŭ komprenis lian gepatran lingvon. Tio finfine estis la kaŭzo, ke la eksa E3-agado baptiĝis per pli komprenebla nederlandlingva nomo ZIENDEROGEN (= EVIDENTE). E3 ja evidente estas enigma volapukaĵo por ĉiu nederlandano neesperantista!)

VERA KAJ JACQUES TUINDER

Ili ambaŭ emeritiĝis kaj gevolontulis, kvankam sur malsamaj terenoj.

VERA

Ŝi estas aktiva jogo-instruistino, servas al plijaraĝuloj kaj gravedulinoj, kaj estas aktiva en porvirina pacomovado kaj la ekumena bazogrupa, al kiu apartenis la edzoparo.

JACQUES (+ 18.6.2011)

Dum du tagojn semajne li libervole deĵoris en benediktana monaĥejo, kie li aktivis kandelfariste, pordiste, kunkuirante, gastigante, ktp. Ankaŭ aliloke li servis volontule, nome en ekologia bonfara revendejo kune kun la organizaĵo „Sovaĝaj Anseroj”, la plej granda sponsoro de ‘Evidente’, kiun li 1966 iniciatis kaj la lastajn jarojn prezidis.

1990 laŭ decido de UEA li ricevis la premion **Onisaburo Deguĉi** kiel fondinto kaj motoro de la Agado E3.

1998 per la kavalira ordeno **Ridder in de Orde van Oranje Nassau** li estis honorigita.

AMBAŬ geavis trifoje.

Jacques forpasis la 18-an de junio 2011.

NUNAJ PROJEKTOJ: en Albanio (instituto por blindaj infanoj); en Bulgario (rekapabla centro por vidhandikapuloj kaj laborejo por mebloriparado; Srilanko (helpo al du blindulejoj kaj al optikejo). Por Tajlando ekzistas planoj por maljunulejo por vidhandikapuloj kaj profesiiga (mezgrada) lernejo por geknaboj blindaj kaj malforte vidantaj.

AKTUALE: vizito kun du optikistoj al la ekonomie plej malricĉa lando de Europo, Moldavio (17-28 septembro 2002). Ni helpas al centoj da infanoj kaj maljunuloj per okulvitroj kaj sponsoros operacion de 110 pacientoj, kies nomoj troviĝas sur listo ricevita de la Asocio de blinduloj en la ĉefurbo. Unu operacio kostos ĉ. 200 euroj.

En preskaŭ ĉiuj evolulandoj ekzistas enorma problemo: blindeco. Temas pri 40 milionoj da blindaj homoj, el tio 80% en la tria mondo. La blindeco de tri el kvar blinduloj estas evitebla, t.e. preventebla (ekz. per havigo de A-vitamino) aŭ kuracebla (ekz. enplantado de artefarita lenso ĉe kataraktulo). Ni Esperanto-amikoj ofte plendas pri blindeco flanke de la mondo rilate al nia celo, ke la homaro apliku komunan duan lingvon por egalrajte partopreni la mondvastan komunikadon kaj kulturon. Ĉu ni povas permesi al ni blindecon de la koro, se temas pri evitebla blindeco de la okuloj? Cetere la farita praktika helpo estas bona propagando por Esperanto!

Stichtung Zienderogen (Bonvolu atendi la novajn adresojn kaj ne uzi tiujn)

Esperantistoj bonvolu kontakti

Vera Tuinder

Henegouwenlaan 35

NL-1966 RH Heemskerk

Tel. kaj faksilo: +31 (0)251231941

retpoŝto: vera.jacques@casema.nl

Mondonacoj oni ĝiru per ING Bank al

Universala Esperanto-Asocio, Rotterdam,

BIC: INGBNL2A IBAN: NL72INGB 0000 378 564

menciu: por KELI-konto kelk-p

La Kristana Esperantista Ligo Internacia (KELI) transferos la monon al Evidente

Jacques Tuinder (1933-2011)

Vivo de Jacques en bildoj:

<http://keli.chez.com/jacquestuinder.htm>

Vizitu la nekrologan paĝon de Siegfried Krüger:

<http://home.arcor.de/siegfriedkrueger/jacquestuinder.home.html>